

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 453979 23 St
Tuzla, 05.03.2024.godine

Općinski sud u Tuzli, sudija Antonela Đaković, kao stečajni sudija, u prethodnom stečajnom postupku radi utvrđivanja da li postoje uslovi za otvaranje stečajnog postupka nad imovinom dužnika „Baraka BH Bio“ d.o.o Tuzla, ul. ZAVNOBIH-a br. 13, koje u svom sastavu podružnicu pod nazivom „Baraka BH Bio“ PJ. Maloprodaja na adresi ul. ZAVNOBIH-a br.13 (Hotel Tuzla),van ročišta, dana 05.03.2024.godine donio je:

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka nad imovinom „Baraka BH Bio“ d.o.o Tuzla, ul. ZAVNOBIH-a br. 13, koje u svom sastavu podružnicu pod nazivom „Baraka BH Bio“ PJ. Maloprodaja na adresi ul. ZAVNOBIH-a br.13 (Hotel Tuzla) i na depozitni račun Suda, broj: 132-100-03091233-91 NLB banka d.d. Sarajevo, predujme iznos od 3.500,00 KM, na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 18.12.2023.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „Baraka BH Bio“ d.o.o Tuzla, a za privremenog stečajnog upravnika imenovan je Nedret Kikanović iz Tuzle. Dana 02.02.2024.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da društvo nema zaposlenika, da u posljednjih par godina, a naročito u 2023.godini društvo ne obavlja nikakvo poslovanje, da nisu sačinjeni niti predati finansijski izvještaji od 2016.godine, a jedini račun otvoren kod Union banke d.d. je blokiran. Društvo nema imovine kako pokretne tako i nepokretne. Društvo ima obaveze prema Poreznoj upravi FBiH u iznosu od 128.259,50 KM po osnovu doprinosa i poreza, kao i obaveze prema UIO BiH, RC Tuzla po osnovu indirektnih poreza u iznosu od 88.824,26 KM. Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika društva Baraka BH Bio“ d.o.o Tuzla.

Stečajni dužnik a što proizilazi iz izvještaja i mišljenja privremenog stečajnog upravnika je u roku od 60 dana od dana nastupanja platežne nesposobnosti podnio prijedlog za otvaranje stečajnog postupka, tako da se na istog ne odnose odredbe člana 58. stav. 15. Zakona o stečaju (Službene novine FBiH broj 53/21).

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 3.500,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.